

仿

潛

齋

詩

鈔

仿潛齋詩鈔卷五

乞假集

光州 李嘉樂 憲之

和董研秋師秋懷八首原韻

浮生若大夢夢詎分短長感此鬱遠志欲爭日月光馳
驅三十載撫躬仍故常譬彼蟄穴蟲終望回春陽

風緊草木變宵深霜露滴寒暑相遞更誰能靜面壁仰
觀白雲蒼俯視滄海碧茫茫萬古懷恨天難補石

憶自束髮初便識窮通數丈夫貴乘時烏能囿細故胸
臆真氣蟠思向帝座訴白日不可追馳返扶桑樹

投筆出門去非日利祿求仗策獻軍府礪刃滅寇讐操

術兼迂謬中懷多煩憂躑躅漢江濱沙場陰雨秋
失意返鄉里家居無險巖舊軒讀我書冥心遁析疑默
參盈虛理養氣培厥基願效松與柏相忘歲寒時
饑驅長安道浮名計已非何期鶴鍛羽境與心相違攜
業無所往敢謂知音稀試上黃金臺太息古風微
幸哉覲我師拔茹若恐後頃刻判雲泥沆漑相契久噓
植及草萊雕飾忘木朽立雪快論詩末議參可否
俯仰春風座欣依桃李陰豈復有狂態爲效宋玉吟所
憶平生遇根觸成秋心感恩託和什受益請自今

讀吳梅村集書後

論定詩人已蓋棺草閒偷活句辛酸幸無降表生猶愧
累到浮名死亦難誰諒衰親多白髮可憐後事欠黃冠
哀江南賦堪同調把卷秋宵不忍看

題周肖仙水部

麟圖

聽秋館詩彙

自來工部例工詩顧曲聰明更可知驢背耽吟嘔血句
虎牙苦憶戴頭詩武昌初陷君以難裔自賊中來備嘗春夢遊蹤幻愁
聽秋聲落葉遲傾蓋惜交公瑾晚飲醪恰慰舊相思

赴庶常館上學

昭代重經生村塾荒學殖士自田閒來崇朝得通籍入
選翰林官儲相香案側朝章素寡聞院體難合格特簡

大教習藉爲真準的俾推頌承平俾束躬謹飭旣足端
始進庶可成碩德詎吉盡升堂敬侍元老席

教習爲瑞芝生朱桐

軒兩

師相四拜儀免半一卷字標赤感茲造就仁勉受身心

益莫倚淵源尊而忘陶鈞力藹藹多吉士瞿瞿各盡職

八月初二日乞假出都

韓魏公開畫錦堂自期晚節菊花香夜行衣繡尋常甚
恥把科名耀一鄉

泥金帖早附家書未老雙親正倚闈初改詞林無職掌
歸心如已到吾廬

方登瀛遠受恩新秋向農曹領俸銀計買高車貨已足

更無馴馬嚇鄉鄰

孝廉船半滯都京應有孤寒羨此行我亦去年愁過夏
青衫淚又爲人傾

抵松林店張少琳太史

懷恩

之僕夫託故不行

三人同行時雖暫

少琳赴保定吳春
舫赴東鹿均同行

共話鄉情頗不厭

輪鐵衝泥過涿州南十八里松林店僕痛馬瘡絕可憐

御者途窮窮斯濫意欲索錢口不言怒罵聲如虓虎闌

我輩關河險備嘗近方珥筆遊鼃禁料汝不過廝養卒

那能摹倣角巾墊攘臂敢欺客無能庸知法有三尺劍

飛書爲報涿州官黑索拘之猶氣焰車馬盡歸胥吏手

恐被侵漁無左驗
欺人亦復受人欺
世事循環總遺憾
旅舍踟躕爲少留
予亦因之弛負擔
我車知警明日行
吟懷稍喜村沽醖

發保陽

平生爲客慣
遑惜路迢迢
馬足增秋感
雞聲夢早朝
長安紅日近
親舍白雲遙
幸是還家去
休辭髀肉消

臨洛關道中苦雨

客春北上沙飛雨
晴日燠人旱不止
今秋南返雨流沙
官道縱橫惟積水
迂行村徑益彎環
時復迷途墮荷葦
雙廩負荷頗足矜
竟日遷延數十里
行者躑躅道路難

居者苦澇生怨誹盡力溝洫夏后勤乎治道塗周官紀
終年晴雨本無奇天事有常人事弛畿南眾流無匯歸
蛟龍亂舞禾黍裏安得治河並治塗雄關南北平如砥
田夫待穫正祈晴又看天際烏雲起

中秋宿淇縣

歷碌單車暮景催玉輪皎潔挂城隈中秋夜月光仍滿
淇水源泉客再來孤館雲開邀素魄長途雨久洗紅埃
故園今夕團圓影少一征人共舉杯

十六日至衛輝府謁學博鄭鼎臣姻丈

相南

書畫誰知老鄭虔恩恩離合動經年河山能壯毫端句

骨肉欣逢眼底緣

寶華姪隨其母依外氏居

此日事留他日憶今宵

月比昨宵圓主人北道頻來往昔宿盤開玳瑁筵

汴梁客舍與元禧叔飲夜談

羈旅先知故里情絮譚容易到三更遊梁枚乘工詞賦

賣藥韓康隱姓名

叔以鬻醫自給

潢水弋山心眷戀吹臺良嶽

氣縱橫阿咸敢詡宗聲振深望窮途阮步兵

發開封

梁園悶坐七日雨孤懷寂寞別無侶汝南秋老天漸晴

又聞銅馬羣嘯聚欲住却憐桑梓遙欲行亦慮萑苻取

車堅馬肥不敢前款段下澤方嘗虜而地烽烟竟首塗

疲羸病喘汗如雨深夜時防賊馬來民寨禦客如禦侮
行不得也啼鷓鴣溺可援乎雜豺虎是誰辦賊司軍符
乃令過客備險阻倘如小白主齊盟不忘今朝難在莒

上蔡縣北有江村水淹驛路旁皆深溝客車弗能
過須以小舟撥載土人倚爲利焉予斥其弊將
訟諸官乃聚舟爲浮橋挾輶以走省勞費無算
過客傾囊日不休土人水底掘深溝扁舟有用車無用
行李都成汎汎鷗

龍巖烏鵲總橋梁大澤何能陷憤王舴艋編排如略約
意中到處有康莊

聞前途有賊避至西華縣不得入留城外者半日
黃雲鎌響忽停聲清野如斯客乍驚堞雉參差堪救死
轅駒局促仗逃生捷三有日酬心簡借一無能恥背城
目覩守陴兒戲甚聞聲空念亞夫營

抵周家口賊據商水縣買舟乘夜南下

我羈周口賊商水鯨鯢相隔十八里賊中哨馬時時窺
矛浙劍炊險至此申息北門久不開南轅道梗繞東來
艤舟泝流水程便篙師老謀頗有才云必夜行始避賊
舵尾壞雲堆如墨但得二百青銅錢通宵鼓楫盡吾力
我亟與之前致詞開頭何用幾游移如脫鞴鷹離弦矢

輕舟一放那可追風吹夜浪打雙槳夢裏猶疑寇亦往
平明已行百里遙同舟人慶跋羅網驚魂稍定趣行沽
却與臨難苟免殊入險出險鄉園近淮水一碧玻璃鋪

偶成

皖豫相交路秋郊易落暉淮陰少年惡穎上霸才稀羣
盜縱橫甚斯民教養微拊循需牧令莫盡倚軍威

沈邱舟次見官軍所破賊巢歌

一砦高踞淮流上便思力與天下抗孤鳴篝火聊自娛
不知天朝有名將名將者誰出外藩蒙古部落羽林仗
千乘雷動響龍泉萬騎雲屯圍虎帳甘苦常與士卒同

水面投醪軍挾纘中原逐賊如鷹揚轉戰肯將三舍讓
旌旗變色健兒豪簞食壺漿男婦餉大樹將軍不言功
偶一策勳必獻狀津淀曾摧番船堅潢池益見戎機暢
當輪螳臂抑何愚一鼓輒將巢穴喪土堞猶熏礮火紅
過者覩茲想威望野老知客自北至環問我王兵所向
此方引領時雨殷庶與江淮作保障予姑答以率師來
餘劫殘黎各神王威邁范韓賊膽寒事異荆楚王心蕩
憶昔漢陽挾策行誓滅黃巾功獨創詞臣報國仍初衷
私讀陰符心不放奇功信非僥倖成談兵紙上皆虛妄
餘孽跳梁果聚殲吾鄉接壤或無恙南征顯績在旂常

篷底高歌聊自壯

潁州

犇尖踢倒順昌城我始扁舟向此行
蓼國毘連百餘里
改轅辛苦更南征

宿往流集

聞外方驅賊民間更苦兵劫灰淮浦路軍壘
楚人聲寇
退家零落秋深稼老成離鄉逾百里殊有故鄉情

九月初八日到家

半生清約遵庭訓一僕隨行入里門
釋褐敢將車服耀
兩端表裏述新恩

吾族遷茲二百年雲仍始著玉堂仙親心不爲浮榮喜
家祭焚香告祖先

妹展官袍看繡綫弟從闈藝覓金鍼山妻別有心開處

壻亦如翁作翰林

黃新甫岳文
爲乙未館選

親朋招飲醉鄉酣屬望殷勤轉抱慙更有少年同學在
喜聽掌故助清談

謝鄭小齋叅軍

錫綸
書扇

三絕詩書畫今朝更遇君才多偏耐蹇

君室題曰
耐蹇書屋

年少

喜論文痛憶紫荆樹

先梅卿兄曾
贊君家讀書誰題白練裙墨香懷

一握夢繞石牀雲

贈陳澌農 一字徵紱

棘棲鸞鳳復安之吟盡窮愁傲骨支
諸友易遭文字忌百年半屬別離時
怪將殷浩書何恨隱到龐公事可知
尚有城南景佳絕招君同醉酒千卮

謝翰臣兄惠詩箋

洛陽紙貴句誰聯又得君貽十幅箋
五鳳樓高修不得苦將玉楮刻年年

甲子元旦

吹面輕颺漸不寒上元甲子喜開端
雲龍相會全家聚風鶴無驚四境安
文字關心增弟課科名入手博親歡

遙知北闕朝儀盛

恩詔新頒海掾寬

喜周信臣明經

日新

偕李子坦至

濂溪叟與玉溪生道故翻教別緒繁時局艱難甯有定
秀才憂樂豈無情封侯夢冷羊頭爛閱世心傷蝸角爭
握手黃津看逝水是誰攬轡說澄清

贈張柳洲布衣

夜話雨窗寒窮途淚莫彈聲名書畫重身世醉鄉寬蕭
寺逃禪易陽春和曲難

君善歌工書畫
常居普惠寺中

君才頗奇嘯休

作布衣看

寄元禧叔時在大梁

琴書飄泊老年華
梁苑風高起暮鴉
家事難歸蘇季子
人才誰薦賈長沙
南遊赤壁原同病
北望黃河亦有涯
快折廣寒宮裏桂
錦衣來看故園花

贈子坦

東去烏江水不波
茅廬風雨動高歌
酒如損友應辭早
詩比奇峯豈厭多
身世浮鷗餘我輩
功名逐鹿問誰何
男兒未了平生事
冷醉閒吟境亦魔

贈信臣

周子今奇士
軍門挾策行
詩成幾近史
憤極欲逃名
兄

弟同聽雨

令弟浚臣亮臣相友愛皆能詩

寰區苦用兵春華開滿樹

信

舊有春花滿樹我無家句那便說忘情

偕方芷春南湖晚眺卽贈

綠樹彎環護梵宮石橋流水藕花風一觴一詠饒佳景

半郭半村歸寓公南海波回三島遠

湖上有寺名小南海

北窗夢

覺六朝空喜逢招隱方山子同把浮蹤印雪鴻

六月十四日生女

墮地雙珠影去遙

前室吳舉兩子不育

中年望子繼宗祧那知繡

闕方懸悅畢竟崑岡易產瑤生比荷花先十日憂忘萱

草喜連朝商瞿當具宜男相豈賴孤星慰寂寥

送昂軒叔儀赴汴應鄉試

射策阿咸共起居

宗白兄同車往

長途休慍出無車
枚鄒文學

游梁日不比蘇秦
十上書

吾宗科第極難開
撞破烟樓愧不才
從此一門三戟盛
先將健筆奪秋魁

鄉試榜發元禧叔獲雋

重陽造榜雨風天
一騎星馳吉語宣
祖德貽留臻貴顯

寒門科第起聯翩
報慚春草仍游子

叔留汴已數載

詠合霓裳

卽列仙今歲豈惟家
運好無多親戚總同年

吳正齋懋圖舅兄弟

黃枚岑內姪均新領鄉薦

別仿潛齋

書室三閒更有移百年老屋可棲遲
求師課弟會常住
應舉從軍亦暫離
一樹紅椒香院落
兩株丹桂豔階墀
玉堂雖好終爲客
又到鄉園入夢時

過沙河店佃戶

閒情宜適野到此輒盤桓
隻負黃棉襖兒牽黑牡丹
收薑穀驟辣釀米酒微酸亦解田家好
何年逕挂冠

仿潛齋詩鈔卷六

望雲集

光州 李嘉樂 憲之

九月杪赴都

膝下承歡剛一載五色宮袍當舞綵白華潔膳補笙詩
人子百年終有悔趨庭忽聞訓語嚴催束征裝毋久待
生男日卽祝桑弧茲幸木天備寮案莫教風引三山仙
不願汝爲百里宰長安固喜近龍光卽論游學堪兼采
謹言慎行畢此生樸素家法守模楷翰林事少體面好
恐流簡傲慕瀟灑敬聞莊論矢服膺驟說登程意先駭
雙親年皆五十餘慈顏鬢錄幸未改雷火方燒尾化龍

拍浮敢足手持蟹中心眷戀難致詞竟別庭闈飄宦海
登桂花嶺望光州城郭

揖別弋陽城來陟桂花嶺嶺上多白雲望見親舍影昔
日狄梁公忠孝冠臺省賤子何足稱亦復泛萍梗菽水
樂一簞雞豚列三鼎養志苟有餘貧富皆平等藉口爲
祿仕甘心背鄉井誰與謹抑搔誰與祝噎哽悒悒不自
安蹙蹙靡所騁將去復流連惜此斜陽景

同少舫叔佩北上賦呈

相勉承先志

曾祖校官起家
祖與父爲丞尉

願毋卑小官傳家爭氣節

閱世耐寒酸執務神常沮詩書味可餐青春來不再莫

負此彈冠

叔廿二歲
曾捐巡檢

謁中丞張子青師於汝甯府

元戎今遇狀元來，榮戟森嚴埽劫灰。

師爲丁未殿撰
駐汝郡辦捻匪

雁例修相見，禮虎貔環侍不凡材。豫軍束伍旌麾壯，汝

水連城幕府開。遠勝威名張萬福，江淮草木漫驚猜。

揭竿賊起大河濱

帝擊中州付重臣，下駟何能當上駟。蔡人須念是吾人，
投壺令雅軍偏暇。草檄才疎志未伸，猶憶采芹逢拔擢。
淵源那敢望傳薪。

渡黃河

萬里崑崙達孟門中州土厚少山根濁流奔放田廬密
僅恃遙隄一綫存

自湯陰至彰德作

西塞威名重一韓岳家少保更桓桓時平畫錦開堂易
事急金牌悟主難將相遭逢都命定英雄成敗總心安
重來弔古遊燕趙慷慨高風不厭看

抵都寓米市胡同光州館

舊地居偏慣新交友最良

同寓爲張仲美
黃香谷兩拔萃

旅懷甘寂寞

館課苦息忙因熱才原短消寒日漸長都門風雪裏僻
靜似山莊

原缺

似惜鴛鴦未交頸擾擾塵寰宦與婚迢迢萬里愛君門
求名每苦新婚別難得青年荷主恩玉堂乞假人皆慕
只有隨園名最著昨歲劉郎亦足豪謂劉嗣
沂同年桂林始覓
天台路游仙詩好又曹唐南海歸帆奏綠章準備眉齊
青玉案風流腰佩紫羅囊歲歲登龍族將大兄弟翰林
前後輩令兄朗川
壬戌館選王謝門楣易合歡朱陳嫁娶都如畫
遙知香口語從容前此慚無佐讀功富貴應須致身早
女兒先受五花封

送孫穀庭師

翼謀

以御史出守安徽

十年兵火逼江關撫字殘黎孰濟艱

天子知公才可用諫臣出守詔方頒沙蟲劫重憂時甚
琴鶴裝輕去路聞七載及門尤惜別星軺無計更留攀
梁園射策仰持衡初到春明便繫情疏草敷陳徵學識
筆花揮灑擅文名門牆立雪時非暫臺閣生風念早傾
不忘粗材呈課藝烏絲親爲作書評

淵源學步到詞林冷宦蕭然意不禁每以正言勤策勵
恐將苦况損胸襟平生志在追蹤易函文情多結契深
偏又一麾南去速空教桃李盼新陰

曉公峰影倚秋妍童叟歡迎五馬前治定增循吏傳
離懷重憶受知年春明敘舊征鴻迹秋曉登程落木天

卻幸鄉園得鄰近慈雲時與弋山連

贈牛礪菴傳臚

瑄

朝野重大魁吾鄉一何少固始延陵公

謂吳淪齋殿撰

清名爲

國寶若翁武狀元

礪菴尊人官名鳳山

宿衛虎臣矯君泛孝廉船

日下知名早文行兩清超筆陣益探討綾絹日求書轡

材四座繞通籍符衆情對策逞華藻羣盼筆如椽一戰

千軍埽或云一字謫竟細孩兒倒遂成第四名遠遜無

雙好人皆惋惜深我云所見小廷議尙擬伐韜略君通

曉運會值中興經綸君素抱持以敬慎衷精神周八表

安危倚相公壯猶頌元老才練勳業優豈止十人了正

色立朝端俯臨萬億兆固知第一流不在科名草

重陽借黃香谷儀部

殿荃

張綬珊駕部

蔭楷

張仲

美比部

彥臣

余笏文孝廉

黃山

游古龍樹館作

何處作重九城南且避尊親朋樽酒共煙樹寺樓高客

緒秋同澹吟情醉更豪蘆花吹似雪寒色滿平皋

香谷紀游

句云風度雨張緒文章一李翱友如余子玉我愧柳儀曹附識於此

借黃漱蘭

體芳

李苾園

端棻

陳紫蓬

振瀛

張瀛三

鵬翼 諸同年會課於謝公祠之一琴一硯齋

御試翰詹將舉行儒臣稽古何其榮職在拜颺習詩賦
不比尋常染宦情江西奉祀謝文節讀公本傳寶錚錚

茲到祠堂敬展謁清高遺像肅軒楹貽留法器不可見
一琴一硯圖斯成號鐘琴承小白舊賣卜硯同玉帶生
作室覆之示鄭重長隨俎豆光晶瑩此琴當日入公手
清風習習寒泉鳴一彈慟哭匡山浪再鼓難爲瀛國廢
此硯當日藏公篋墨光熊熊石交貞提刑判牘邁龍尾
却聘答書磨鸚睛程元海豈稱知己曹娥碑敢較齊名
痛惜平章蟋蟀闕坐着氣數蝦蟆更琴硯何能支大厦
絕粒奚救天水傾藉以爲題寫胸臆是日卽以一琴一硯
一硯齋爲賦題我
生何幸逢昇平橐硯備爲應制用侍班待聆虞絃聲

九月十六日隨扈東陵敬紀十首

萬壽恩科舉孝廉

咸豐九年舉行
己未恩科

龍升無計得攀髯奉

安鉅典隨行禮

各衙門派員往
行禮臣樂與焉

新見今

皇羽衛嚴

出門先指潞河濱繞道通州更問津薄笨往來旬日路

秋深珍重歲寒身

千騎雲隨萬乘車御營燈火眾星如玉堂署獨無行帳

各署有帳篷
翰林院無之

自向山農賃屋居

旅館遲留馬蘭峪前朝將帥此防秋

東陵禮部衙門爲
前明戚繼光帥府

應官不覺來邊塞當作中原攬勝游

羣巒環拱建新陵傑搆層霄萬象增不解堪輿知王氣

千秋祀典肅嘗烝

移開雉扇駐鸞旂近接

天顏咫尺威日覩龍行與虎步往來黃幄爲更衣

九重親奉

兩宮來合祔隆儀已備該

二十五日奉安禮成

十一年中宵旰惕

長留舊澤徧埏垓

禮行虞祭始終虔敬慎微衷戀几筵略盡臣心無萬一

朝衣策馬下高巔

近陵均無車路

馳驅習慣欲忘家跪拜循章等級加南望高堂書早寄

鷺鷥章服漸增華

行禮各員照章賞加一級例請六品封典

長途短晷戴星奔舊路回鑾萬馬屯怕與朱輪爭道路
自尋別徑赴津門

至天津謁外祖賀雲樵封翁

治平墓

母未歸甯四十年松楸夢想輒縈牽何期間道來津淀

愧少餘財置墓田親串留賓連日醉

母兩妹一適宮氏一適宋氏均在津

子孫游宦幾時還

星樞二母舅官四川劍州

西江憶投髻齡讀

外祖先後

至九江府上高縣子皆從學 尙欲徵文爲表阡

還京至張家灣大風

昨日單車發楊村雨後清氣盈乾坤今日就道衣尙溫
大風驟起煙塵昏始猶峭冷逼朝暎繼乃狂飈驚客魂

蜷縮車箱蝨處禡僕避道旁
凍鷗蹲布被壓簾勢仍掀
縛帶加以兩手捫禦寒苦無酒
一罇吹沙入口那敢吞
羸驂亦望歸故屯不須鞭策卽
狂奔異二飛揚妄自尊
似忘咫尺近天關風塵熟習何足
論鵬搏欲擬北溟鯤
日行一百一十里舉頭望見朝陽門

哭座師李文清公

朔風凜冽墮星寒老去臣心盡
化丹身後爭傳

天寵渥生前都作古人看
賢勞太著精神瘁出處如斯
晚近難海內同聲哭公輔及門倍覺淚汎瀾

年少清名振紫臺
星輶載石嶺南回

公督學廣東日最
陋規裁革殆盡

難函丈談經日更作中原禦侮才

公主講河朔書院賊至有諷以武城故事

者公曰曾子未爲人晚節讀書期實用大儒報國具通

臣也乃親督勇拒之材林泉廿載憂時苦四顧河山慟劫灰

帝念蒼黎詔起公九遷異數愜

宸衷大臣先整清源治上將纔成破虜功司馬聲名中國望武侯謹慎一生忠緣何剛復昇平局倉卒騎箕返碧空

回首程門訓語宣敢忘苦鍊腳跟堅

師嘗誠以爲學須耐苦腳方立得定

哀榮身已無微憾殯殮資猶出

賜錢樞密顯官家轉累本朝道統力能肩傷懷披讀遺

書盡

公著有志節編等書

洛學心源共此傳

聞笙堂弟入泮

昔督詩書課今爲弟子員采芹如我晚

子與弟均以貢廿三歲入泮

米仗君賢志漫酬弧矢心休厭簡編秀才天下任愛惜此青年

羅輔臣表兄

銘鼎

揀發貴筑縣典史賦此送行

容易爲仙尉投艱到鬼方藍翎冠自好青眼鑑非常

買筠

堂相國以貴州軍務未平見輔臣戴藍翎遂得與揀

漢水同遊幕潢溪獨返鄉何

時癡夢踐吾亦慰高堂

君已未元旦夢見子家榮載在門以告家大人詫爲鄉薦兆或

云一第尙不足當此

丙寅元旦

又結屠蘇一醉緣，
紅瞥眼到新年窮。
愁累我書難著，
風雨懷人夢未圓。
薄宦漸銷湖海氣，
貧交猶羨大羅天。
故鄉烽火音頻滯，
盼斷飛鴻意渺然。

劉南卿給諫

毓柑

招同毛煦初侍郎

飛鰲

張瀛三

編修張仲美比部游天甯寺索詩卽贈

春晴塵滿市，結伴叩禪關。
始覺諸天靜，同尋半日閒。
老

僧解延客高阜當登山

塔射山房寺最高處

獨惜英靈遠，清風不

可攀

是日送李文清公靈輜於廣安門外至此小憩

談讌聯鄉誼，耽幽此駐車。
都城多佛寺，景物肖山家。
繪

隱前朝字園留隔歲花主人詩興健索句采芳華

二月得家書喜筵堂弟生子

盼汝添丁久開緘一笑時藏書都有色願我尙無兒臘
尾春偏早

兒生於年前已立春

親心喜可知青衫共文襟輝映總

相宜

四月十四日夢見兩狼行空中捕飛鴉一獲一否

不識何祥醒紀以詩

情憐繞樹依烏鵲志喜彎弓射白狼豈有貪心思搏擊
翻因夢境欲張皇並驅揖我知非美札闥隨人被不祥
走者騰空飛被獲世途何處判低昂

僕李貴求詩作此勞之

浣衣炊飯往來頻
百務勤勞併一身
霜雪凍僵轅外影
風沙吹滿帽沿塵
磨驢陳迹甘依我
裘馬鮮華不羨人
何日歸田吾共汝
溪山相伴迹彌親

反游仙詞十首和李鐵帆太守作

前身共住大羅天
李同根不計年
握手與君下塵世
漫從碧落話因緣

君更珊珊骨相奇
朝天五馬好威儀
而今休再飛昇急
且爲蒼生駐幾時

風掃潢池濁浪開
家傳功破蔡州回
羅胸星宿知多少

肯讓雲臺擅將才

楊枝奚羨白司馬紅拂新來侍衛公
應念天台仙眷在
梁園花瘦盼春風

玉京游徧玉堂居
僥倖仙緣願不虛
何必瑯嬛引魂夢
竟登中祕讀藏書

換骨空傳九轉丹
年來米價貴長安
諸天拍手休相笑
飽喫黃梁飯本難

歷盡滄桑曲折途
十洲境界易荒蕪
桃源尙覺風濤險
閒坐潢谿舊釣徒

清才終數上清班
仙牒還餘棄未刪
作賦殿前人一笑

蓬壺中亦有孫山

津沽相約泛蓮舟笑指三山續舊游相近莫教風引去
水痕淺似昔年不

同別淮流又幾春春明同步軟紅新一齊拋却游仙枕
再了今生未了因

領俸米

閒官報最有何功米貴居然甕不空頒祿方知天庾富
占年總比硯田豐養生且作加餐計講學惟堪脫粟充
朔與侏儒同一飽任他問價到江東

與仲美比部同車以羸馬敝車官冷落屬對予應

日淒風苦雨夢模糊足成一律卽送其歸固始
羸馬敝車官冷落淒風苦雨夢模糊兩人都是思歸客
一世眞成對奕圖識字我生憂患始率眞或笑性情麤
客中幸與君同住青眼相看未覺孤

題周肖仙水部令祖貽穀山堂詩草

入手新編盥露馨如登玉孟舊門庭遨遊有意搜詩料
雕琢無痕顯性靈珂里餐餘芝草秀錦囊色帶蜀山青
祇今水部傳家學一瓣濃香蕙未停

送表兄胡鐵丞司馬均之官蜀中

燕臺文酒正班荆一棹巴江又遠行客裏逢秋偏送別

蜀中游宦例知名元龍意氣豪湖海司馬才華豔錦城
記取臨歧堅後約故園他日結鷗盟

送吳次陶別駕

福同入蜀

交游慷慨君知我書畫風流我羨君落葉催秋人易別
離筵駐馬酒初醺十年節鉞談何易五夜絲桐靜始聞
次陶善琴喜談命 車迅發又教夢繞蜀江雲
惟子運可至

歲暮憶家

歸甯早與妻孥別行役遙知父母嗟相伴孤身餘一僕
竟分八口作三家寒宵衾薄和裘卧卒歲囊空盼俸加
自笑癡頑耐磨鍊太平年聽鼓聲搥

丁卯元旦

我生三十五年中，勘透繁華百慮空。
絕口不談阿堵物，委懷姑作信天翁。
閒來觀物心猶累，窮後吟詩語未工。
傀儡登場且遊戲，肯教名利設樊籠。

雪

玉屑撲簾旌，銀沙細碎聲。
春華詩裏老，雪色酒邊明。
占瑞遲逾好，澄心淨自平。
豐年關繫重，天意惜蒼生。

卽事

新春拜賀難，休歇名紙紛紛到。
眼紅閉戶，未知車客過。
司閭僅賴館，僮充無關禮。
數沿成例，何事馳驅效賤工。

更有替人投刺苦

都城有遣人代拜者

可憐習俗尙圓通

思歸

歸夢江湖關羈愁歲月深詩枯惟近體官鈍有退心誰
賞焦桐爨人憎躍冷金雙親添白髮吾欲返山林

讀史忠正公

可法

集題後

邗溝廢壘景荒涼血灑河山淚萬行暮氣斷難延國運
答書猶冀復全疆曲翻燕子天胡夢慕傍梅花土更香
四鎮猜疑權相忌依然鐵石鑄肝腸

公嘗謂其師左忠毅公肺肝皆鐵石

所鑄造也

黃香谷會夢見題壁詩云寥寥天地亦荒蕪兵到

危城勢更孤萬里飄蓬悲骨肉十年夜雨泣頭
顛山河未變雄圖改草木無情戰壘枯醒後惟
末聯忘之僅記爲呼字韻而已幻由心生理難
索解而香谷平日詩格頗不類此殆非託詞因
次其韻亦搜神志怪之遺意也

蕭森兵氣黯平蕪夢裏詩魂出塞孤鬼哭沙場風弄影
尸橫泉路雪埋顛青燐抱雨僵難死紅柳飛霜骨易枯
幻境浮生誰與覺怪禽背月屢悲呼

贈李鐵帆太守

九邊風信冷征袍今雨相逢意氣豪按部定銷龔遂劍

論功還佩呂虔刀
臨淮壁壘勳名舊
出塞詩篇格調高
南顧大河烽火急
期君露布早飛毫

枕上聽雨憶弟在汴梁閨中

雨勢來何驟
虛檐溜欲奔
秋聲寒到枕
急點碎敲門
水氣沈燈影
鄉心寄酒痕
梁園初作客
大被幾時溫

王銘軒大令

幹勳

下第邀飲並游憫忠寺

寂寞黃花酒一杯
愁城揮去醉鄉來
長貧坐識之無字
遠志何須小有才
殿角燈昏斜月上
樹頭日落亂雲開
秋風瑁璫尋常甚
聲價終登市駿臺

仿潛齋詩鈔卷七

餘園集

光州 李嘉樂 憲之

輓表伯陳隨菴少尉

老輩風規渺斯人齒德尊胡爲珍碩果亦復謝塵樊宦
蹟湘江冷清名洛社存料增身後憾家事不堪論

未僚爭氣節先子訂同儔官檄時分轍琴尊老共酬夜
臺今作伴歲月太如流感此摧胸臆蒼茫莫寫愁

握別情如昨心驚噩耗催歸鞭傷伏處執紼際重來巍
第曾期我良姻爲作媒記趨文酒召寂寞舊舊亭臺

方寸叢憂患廬居久輟吟生平重知己慘淡託哀音夢

涇三年淚神交兩世心佳城蔥鬱處楸檟暮烟沈

餘園八詠

丁卯秋先君子下世奔歸輟吟已巳除服期近
於庭畔作假山植花竹額曰餘園分爲八景各
系以句

竹林玩石

無竹不可居得石快有餘礪我堅貞性心學此君虛

松塢品茶

直榦未參天虬枝先絕俗茶香泛滿甌濤聲斷還續

繞砌叢蘭

入室不聞香藝蘭滿曲院莫便返深山孤芳少人見

穿籬雜豆

鹿眼一何疎豆莖爲補密豈真解攀援所寄乃勁質

庭柯宿鵲

胡不爲巢計頻年棲此庭識得忘機意鵲兮毋乃靈

澄水游魚

缸面境無幾作濠濮上觀我本知魚樂因之隨遇安

綠陰曲逕

雖少澹臺行終殊終南捷迂作之字形碧陰互相接

赤字懸崖

石潤易受墨揮毫字猶新搜訪剔苔蘚千秋應有人

攜鎬姪詣唐氏園觀牡丹

韶光花事兩蹉跎爲訪天香偶一過自昔園林觀世變
從知富貴得春多

書懷

移竹栽松更種花花闌干接竹籬
篔簹多情魚鳥都堪伍
大好園林況是家客寄新詩催賭韻
僮儲落葉待烹茶
明年此際知何處雲海蒼茫感歲華

哭妹倩方果齋明府

別纔幾日夢頻頻噩信飛絨竟是真性極和平偏損壽

生多憂懼易傷神文章磨鍊能超俗世事圓通亦絕倫

丹桂一枝花滿縣蒼天草草了斯人

果齋辛亥孝廉奉天知縣年四十年

四千里外閱風烟致疾何因語未傳曙後星孤餘一脈

山中雪滿臥多年

服闋後擬家居不出

臨民判牘常開網好客傾

囊不愛錢弱弟含辛遼海去桐棺猶寄異鄉天

今弟赴遼迎柩

偕笙堂弟遊塔院

策馬斜陽裏來登選佛場畫梅僧略雅畝石寺全荒樹
抱春烟暝花催暮雨涼梵音靜人意小磬韻悠揚

題周星槎畫蘭

花稀葉瘦正無妨兩岸山開萬箭香添箇采蘭人泛舸

揮豪應已夢瀟湘

秋蟲

趨炎未了忽逢秋鑽刺難忘口腹謀酷吏罷官心更毒
神奸末路利窮搜慣依屋角終朝暗漸覺雷聲向晚收
圍扇一般捐棄感世人原不辨恩仇

題劉伴阮

源畫冊

柳洲布衣清且閒其書與畫類可傳鑒賞日多精辨古
搜討墨妙到時賢昨朝示我琳瑯冊未及開卷便覺蕭
蕭風雨寒種竹不如畫竹好印本幾同真木妍作手緊
何人國朝劉猿仙題者雲帆子藏者崇虛禪兩人乃是

吾鄉儒釋中巨擘物聚所好非徒然篇幅計得卅四紙
畫師距今百餘年筆所未到意已到縱橫揮灑幻風煙
有時巨節破空竦驚看臥龍飛去雲濤翻有時點綴數
片葉亦復細碎入妙如拂蒼翠斑畫梢仰睇鳳尾舞畫
根俯瞰蛟脊蟠具大神通作狡獪萬籊森森寒綠个个
次第沁心肝未知追逐子瞻與可詣公後不分時代孰
爲先我有餘園新結構暇亦手栽十數竿偶然覩此詫
奇極枝枝葉葉青琅玕吁嗟乎傳人僅傳畫畸士已心
酸讀畫如讀史筆法勿爲瞞思欲留之永寶貴易以贖
本愧無米家船思欲歸之藏蕭寺又恐蘭亭賺去無人

還轉念寶物海內所共寶據爲己有母乃偏予取予求
誠癡絕楚得楚失奚擇焉但學衛公北都法日日遣報
稱平安莫似甘露方竹杖忽加以漆規之圓更須高手
善會意雙鉤上石細雕鐫工成摹印千萬本公諸同好
翰墨緣披閱終身與之化師此虛心勁節揭地而掀天
長歌一紙紀所見質之張君如何言

次日雜題

成竹在胸中振筆追所見大節自家知示人只一半
綠文千个萬个青影一竿兩竿不共斜風亂舞留將正
面人看

不靠青山卻靠誰板橋語與此君宜要知一段堅貞性也賴虛心爲作師

綠卿巨節仗盤根寫出千霄意態尊雨葉風枝徒嫵媚千秋深惜趙王孫

良材爲世用零枝翦除急竹性則不然蕭騷葉互集譬請賢公卿整躬操特立以下諸名士小德每出入惟其天性真故與直率習晚近趨汙下邊幅尚修緝甚且縱嗜好一瀆難收拾恕菴解此因走豪揮墨汁規矩出神明紛披寓層級風似吹有聲筆乃迅所及雜亂非無章碧烟相呼吸墨妙未盡宣下有龍孫螯

題錢廉齋選一詩冊

又從詩裏結因緣到眼丰神入手編似此才猶艱一第
聞君名已隔多年風懷自寫剛如我意氣能平不問天
相見何遲別何早錦囊應復寄幽燕

庚申游地藏菴題有劫火愁仙佛未幾寺遭賊燬
真有詩識說耶已已重遊王院者已葺新其半

喜紀以詩

碧紗散失舊詩章寺影依然倚夕陽一炬佛真愁劫火
十年我亦閱滄桑重修梵宇徵平世願祝慈雲庇故鄉
俯仰吟懷健如昔白頭僧莫話興亡

葉望廬封翁年九十一陳香亭姻丈年七十三周
蓮湖師年六十七家嚴三若齋兩叔祖一七十
八一七十一予偕弟觴之於餘園作五老歌

餘園樹色搖新翠
焚尾春濃花影麗
主人好客兼好奇
厭隨裙屐共遊戲
折筭往迓老成人
五客三百八十歲
旁觀疑詫降仙真
南北城中集靈瑞
首惟葉公近期頤
揮豪落紙雄文肆
陳君驚座老而傳
周子愛蓮又其次
祖輩同懷尚兩人都
過七旬形容晬予偕
弟操几杖從
敢援末坐溫公例
高年相見意相親
笑說五朝以前事
敬聽直同讀古書
一編細辨周秦字
衰顏未覺如凍梨

兒齒依然能決哉五老自敘生平遊少壯曾將職官寄
或善岐黃或授經醫國育英受其賜行蹤日下與嶺南
各吐胸中風土記杯酒徐傾談轉豪滿園竹石添生氣
白頭依戀夕陽紅扶上藍輿俱半醉偶爾居家宴客場
無心寫出昇平世山城此會豈尋常傳到他年恐難二
諸老非矜導養方和平自得壽而熾撫躬我亦最癡頑
此座或能相代替

次日招葉寓齋梁錦堂王鶴樵三觀察飲并賦

昨延五老又三公林下琴尊趣略同都爲小園增故實
攀帷扶杖總清風

東張柳洲

小園秋漸老景物未荒涼蔓引綠登屋竹穿青過牆天
晴菊花長霜重木瓜香酒友如相訪柴關敞夕陽

園中飲酒作

肯放秋光去荒齋靜掩扉甕頭家釀熟籬角豆花肥舊
雨來何暮長安夢漸稀多情只明月還照酒人衣

贈菊呈周蓮湖先生

當代陶彭澤高懷比昔賢願師珍晚節與菊共延年花
亦春風坐枝都秋色鮮採芹占繼起

世六兄
來應試

黃雪影同

妍

再柬少蓮

幽姿冷豔簇籬根秋末移栽老瓦盆何幸如余親絳帳

莫教依舊做柴門

少蓮近作縣試詩有依舊做柴門句

耐將春夏香纔久

鍊向風霜骨自尊才士不須怨遲暮攜文過我話黃昏

附少蓮和作

君從仙李茂同根我尚田家醉瓦盆韓圃晚香開客
座漢儒經學重師門流傳斷句人猶憶奔走名場品
未尊感舊吟秋詩甫就片雲催得雨窗昏

送陳澍農歸信陽隨其叔湘浦太守赴荊州任

登龍久已識荊州小阮清才侍宦游江水布帆尋舊夢

弋山雲物動新愁。祝君此去吟懷健。別我誰將酒債酬。
十載論交幾離合。那堪歷歷計從頭。

贈崇虛上人

近日爭傳懷素字。昨朝重到遠公廬。十年小別鬚眉古。
半畝新開水竹居。僧有名心詩更進。我無仙骨酒難除。
何時都打蒲團坐。悟徹中宵月影虛。

謝王鶴樵觀察惠紙墨用贈廉齋前韻

題襟漢上共前緣。爲羨從戎棄簡編。

予自丙辰歲觀
察於漢陽戎幕

中

外分途馳宦轍。家鄉小住感華年。相期勲業酬他日。其
奈離懷悵各天。楮墨臨歧頻賜贈。盼君入覲更遊燕。

郊行

秋色漸蒼涼，秋懷轉渺茫。
鴉聲爭遠樹，馬影淡斜陽。
景熟題難就，村深路易忘。
勞筋何日息，泉石興彌長。

送翰臣兄之廬州

單車纔自返，淝津又著征衣。
走雪晨微利，君因家計累。
來春我亦宦，游人故園小。
聚偏逢別，昆弟中年倍覺親。
臘釀滿尊留共話，莫將瑣事滯歸輪。

游寸園悼馬杏逸先生

先生工青囊，術結廬州城。
東偏雜蒔竹，樹尤善種菊花。
時易酒醉輒吟小詩，自遣嘗作車戰圖。

說及文昌化傳奇警世蓋有心人隱於市者晚
年患臂書用左手而縱飲健談如故余向識之
前歲自都中歸先生已下世訪其居孫出延客
仍業醫護視遺書及手植物惟謹慨老友之忽
終喜善人之有後感成一律告慰九原

話別翁猶健重來竟愴神孤孫抱遺橐舊業習清貧泥

壁詩還在

友石師贈詩
黏壁上已破

霜景草不春寸圍松盡老太息

種松人

送周蓮湖師解館歸里

詞場追逐宦場馳悅服中心只我師文字每深知已感

科名預許布衣時貧能安命真超俗老尚多情喜詠詩
三世論交原誼重何堪賦別又臨歧

程門立雪溯前緣回首慙慙十五年愛我詞章爲傳誦
處人骨肉費周旋生平足列儒林傳奉養欣逢後起賢
他日歸來重造訪好隨杖履適林泉

餘園卽事留別友人六十韻

盛世和聲集同儕韻事新詞壇兼酒國殘臘到初春此
會樂何極吾鄉誼最親論文投夙好話別悵芳辰賤子
平生憶先公訓誨遵經庭詩勉學臺簡歲常陳授讀開
資鈍延師曷氣純公餘催弄翰雅集命留賓日與英豪

近才從獎勸伸玉堂倖身貴錦字效眉顰雲鶴仙僚聚
風騷妙境臻醉吟燕市月遊勝曲江濱每念家山侶難
忘香火因無端遭阨運長慟折靈椿歸里愆叢積居廬
語輟呻三年悲釋服八口耐居貧勝事承先志聯歡篤
舊姻文章關氣節師友互陶甄有弟墳篋奏尊賢矩矱
循商量新課約會合眾才掄折東城中路升堂席上珍
邀成文字飲笑謝綺羅身姓氏喧通國風流效墊巾才
高一丁廩丁君情重兩汪倫惠波敬軒昆仲穎士文無敵蕭君政輔
羲之筆有神王君敘堂更招金馬彥鄔小山庶常同賦豔陽晨羣
季從遊慣吾宗嗜好均交朋情切切鄉黨意恂恂城隔

聲勞屐

子元兄住處隔城日凡兩至

編吟味飲醕

子貞兄有事未入社取課稿吟諷竟

日解裝忙補作

昂軒叔赴信陽翰臣兄赴廬州歸後皆續作

具食代輸縉小川

叔曾出資都是同根李誰爲五色麟材輸三鳳薛族遜

八龍荀王客齊分席吟哦各擁茵笑談欣結契弟子願

親仁拈韻成叉手傾杯勸入脣暢懷傾綠螳鮮膾剖朱

鱗數典書藏酉登盤味薦辛座圍爐火煖籌紀罰觴巡

款戶佯常至傳箋例屢申催詩如索債行樂仿吹豳歲

暮猶揮管秋深不憶蕤梅穠香馥馥桃漸葉蓊蓊興盡

諸君倦風規老輩振小巫多駭服大雅共扶輪北海開

尊暢南車導路頻關心緣敬梓校卷每傳薪梁苑招詞

客徐陵出侍臣

謂梁錦堂徐健堂兩太守

葉公龍篤好王導塵揮塵

謂葉高齋王鶴樵兩觀察

開徑都如蔣精廚不讓郇優游林下樂接

引箇中人豪氣超千古吟朋訂十旬自予謀創始獲此
德爲鄰燕樂從頭數驪歌到耳瞋西窗猶燭影南浦卽
潢津回首戀同社高懷愧隱淪豬肝行旅困鴻爪雪泥
涇遠別幾時會前程何處詢便如千里馬孰是九方歎
攀柳辭珂里乘槎近

帝閨贈言還錫我歧路定書紳

卽事

久效澹臺徑不行偶登宰室爲蒼生十年兵火財難聚

百姓脂膏法易更善積錢須有術欲嘗龜鼎已無爭

貞珉勒就先靈慰常備儲胥護兩城

先君歿後撤守禦局餘錢五千緡有

奠之者爲請於官發

商生息仍備守城用

葬先父於沙河店祖塋禮成志痛

封成馬鬣作新阡一慟無從侍九泉葬禮始成除服日
餘生遂少報恩年才疏良治喪難學名小龍岡表不傳
欲爲慈闈營祿養遠游霜露倍淒然

四郊銅馬逞干戈晚歲精心擘畫多桑梓待陳新俎豆
崔苻無害舊山河森嚴樓櫓垂成法感動鄉閭洽太和

負土豈惟家祭慟滿城遺愛尚悲歌

里人呈請
附祀鄉賢

夏閒傷寒病劇夢入向子詠曰衝斜風飛過峯頭
帶細雨回轉揚州斜風細雨全消受意似詠燕
而不知所謂補紀以詩

養疾難忘十載前沈疴今又壓災年是誰入夢誇新句
字字清吟到枕邊

此身不化揚州鶴十萬腰纏俗慮空只願補貧天與健
一生消受雨和風

馬背船唇北又南蒼茫野景客懷諳紅裳或是心神現
隨我飄零訴不堪

語似相憐意似嘲人如秋燕別銜茅尋常百姓家都好

何必天涯再定巢

蕭慶峯話先君子守城遺事

連歲隔親聞不知故鄉事有客爲我言險阻盡嘗試吾
州楚皖交髮捻日窺伺里閭累卵危先人始奮袂民同
甘苦情城與存亡誓四隅建礮臺萬堞空外蔽賊來不
得登猝發輒受制乙丙兩年冬狂寇如期至內應將啟
門奸民起橫議土人誤殺兵客軍慣恣肆一一布至誠
時時申儆備反側始自安盡出囊底智諸難甫削平風
雪寒爲厲遠黎凍餒多煮賑饒經濟兼籌食與兵我衆
得不斃徹夜曉未交積勞神先敝一朝病遂深四方心

都悖婦孺祈禱哀天胡不予昇公歿有遺言賊亦難再
熾果然近安堵萬全出不意始悟天生公桑梓命所寄
願報以馨香象賢祝後嗣感客非諛詞吟詩代作記以
俟太常徵先從家乘識

己巳除夕

掛罷屠蘇歲暗更全家歡聚最關情三年轉盼逢初服
一病垂危算再生詩草無多編集易銜花有喜照窗明
綠波南浦春還早不許兒童問遠行

庚午元旦

字翦宜春紙始紅故鄉小住又東風忙中度歲行將別

窮後吟詩尚未工老母萱榮欣日永貧家米貴祝年豐
玉堂招我還天上不比江湖歎轉蓬

和梁錦堂姻丈招飲原韻

上林栖樹伴宮鴉生計歸來淡畫叉賦我小詩開白社
羨公晚節種黃花興豪折柬新招客老去耽吟舊作家
話別春盤拌一醉杏村莫惜酒頻賒

上元

今年又看上元鐙人海聲喧火樹騰終遜梅花窗外月
引來詩味冷如冰

連宵兒女笑聲稠小隊魚龍肖泳游燭影搖紅光一串

家庭瑣事最風流

呈黃新甫外舅卽以告別

又袖新篇謁畫堂
黃山谷漸得津梁
翰林體制尊前輩
詩學源流接壻鄉
小別輒愁添老境
不才何事逐詞場
林泉依舊書生習
爲度金鉞喜欲狂

先君附祀鄉賢得請奉主入祠會者甚衆謹紀

盛朝俎豆重人品
論定蓋棺益詳審
鄉望官箴兩弗虧
容臺疏上方如請
先子家居十載餘
惡氛烈燄紛災眚
敢因解組墮公忠
終夜枕戈日申警
蒐簡鄉兵寢以強
討論軍實使之整
江淮賊屢襲名都
斗大山城不得逞

百里難民奔求生安排樵汲仍同井禾麻樂土南北無
欲得甘心寇數騁力竭九攻賊勢衰嘔心違惜桑榆景
藐躬盡瘁忽焉殂賊亦從茲不入境梓里感之請祀祠
乃知遺愛真難泯怨家醜正豈能無沒齒口緘愜平允
是日傾城送萬人紙錢尊酒多寒窘禮成含涕謝鄉鄰
公等非私情可領似此盛情報亦難象賢惟有嚴三省
既安粟主扶輿還一路餘香溫寶鼎

任樂如州牧

愷

餽贖不受

孤寒常恐受恩深
傾蓋偏逢愛士心
明志敢留茶一串
定交不在餽兼金
豬肝累尹塵生甑
馬首登程雪滿襟

我笑矯廉陳仲子徒將無用幸儒林

別餘園花木竹石

小園剛得半年閒又聽移文向北山此後春明風雨夜
定從三徑夢鄉關

一樹頻羅蔭小窗清芬隔紙襲銀缸茶甌放下渾無事
月影中摩石筍雙

新栽紫竹未成林已有秋來滴露音待二十年還故里
清風與爾證知心

春暉未報著征袍遠道風沙敢告勞只祝北堂萱影茂
一庭松石壽同高